



**Future-proofing
our children**

Tlhomamiso 1

Setlhogo: Poifo Modimo – Molao wa ntlha le wa bobedi

Mokaedi wa batsadi
Sekolo sa Tshipi ithutelo lapeng



Go Motsadi

O amogelesegile mo **Poifo Modimo – Molao wa ntlha le wa bobedi** Thuto ya tlhomamiso 1.

Mokwalo o o go fa thutuntsho e potlana gore o ka ruta jang thuto e.

O ka ipaakanya le go ruta thuto e jang

Fa tlase ke maele a go ipaakanya le go ruta thuto e:

Kgato	Tiriso
1	<p>Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp:</p> <p>https://bit.ly/3NACSSHS</p>
2	<p>Kgobokanya di dirisiwa tse di latelang go netefatsa fa o ipaakanyeditse thuto e:</p> <ul style="list-style-type: none"> • Baebele • Mokwalo wa thuto wa PDF o o setseng o baakantswe. • Pena le lekwalo la ngwana, etc. • Setshwantsho sa motshikhinyego se se leng thuso e nngwe • Katakasima le Dipotso le dikgarabo (bogolo jang mo batlhomamisiweng) <p>Ela tlhoko:</p> <p>2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tsewedisa lenaneo.</p> <p>2.2: Ka tswe-tswe dira thuto e nne khutshwane , o etse tlhoko gore bana ba reeditse ka kelelelo – o itse ngwana wag ago botoka! <i>Tirelo ya sekolo sa tshipi ga e hete metsotso e 45</i> .</p> <p>2.3: Thuto e lebaganye (Batlhomamisiwa 1).</p> <p>2.4: O ka kopa thuso mo morutabana wa gago wa batlhomamisiwa fa o tlhoka thuso.</p>
3	<p>Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.</p>



Go ruta thuto ya batlhomamisiwa mo lapeng

O ka ipaakanya le go ruta thuto e jang

Re tswelera ka go abalana maele a go ipaakanya le go ruta thuto e:

Kgato	Tiriso
4	Dira seemo se se siameng, se se senang dikgoreletsi se wena le bana/ngwana le leng fa go tshwanang. Sekai: Nnang mo tafoleng.
5	Bala thuto. E bale gape gore o e tlhaloganye. Lebelela setshwantsho sa motshikinyego go re o tlhaloganye botoka.
6	Kwala dintlha tse o batlang go di gakologelwa.
7	Tlhaloganya maikaelelo a thuto a e leng gore ngwana wa gago o tshwanetse go a gakologelwa.
8	Ruta ngwana wa gago thuto.
9	Supegetsa ngwana wa gago setshwantso sa motshikinyego mme o soboke molaetsa.
10	Laela ngwana go dira tekeletso e mo lokwalong la gagwe la ikatiso (Le nna ke batla go.....)
11	Rapela, kana kopa ngwana wa gago go rapela go tswala thuto.

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya batlhomamisiwa 1.
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go tlhotlhomisa ka thuto e gore o nne le kitso e e oketsegileng



Thuto

Setlhogo	Poifo Modimo – Molao wa ntlha le wa bobedi
Maikaelelo a thuto	Ga ke battle go utlwiswa Modimo bothoko ka gore ke a mo rata

Tshoboko ya Thuto:

Ketapele

Mo thutong e, re tla tlhalosa “Poifo Modimo”.

Re tla tlhalosa molao wa ntlha le wa bobedi jaaka o kwadilwe mo kgolaganong e kgologolo ka nako ya ga Moshe le mo kgolaganong e ntsha ka nako yaga Jeso.

- 1. Ke nna Morena Modimo wa gago, o seka wa nna le medimo epe kwa ntle ga me.**
- 2. O seka wa umakela leina la ga Jehofa Modimo wa gago lefela, Gonne ga a kitla a tlhoka go pega molato yo o umakelang leina la gagwe lefela.**

Tshimologo

- Mo melaong e lesome Modimo o ne o bua le batho botlhe.
- Modimo o file Baiseraela melao ka Moshe.
- Maikaelalo a melao e e ne e le go ruta batho gore ba tshole jang le Modimo le bangwe ka bone.
- Batho ba ne ba solofelwa go diragatsa melao e – e ne y anna karolo ya kgolagano ya Baiseraela le Modimo.
- Mo kgolaganong e ncha, Jeso o ne a tiisa melao e.
- Jeso a fa melao e bokao jo bogolo le gore boikarabelo jwa rona ke eng ko Modimong, mo go rona le mo baagisanyeng.

Poifo Modimo (e amana jang le melao)

- Mo kgolaganong e kgologolo, Modimo o ne a ba fa melao e lesome go laola ka fa ba tsalanang le Modimo ka teng le ka fa ba tsalanang le ba bangwe ka teng.
- Modimo o ne a ba bolelela le kotlhao e ba ka e bonang fa ba sa latele melao.
- Ba le bantsi ba ne ba latlela melao fela ka gore ba ne ba tshaba kotlhao
- Mo kgolaganong e ncha, poifo Modimo e ka le bokao jo bogolo, jaaka go tlhalositswe mo 1 Johane 4:18.
- *“Ga goa poifo epe mo leratong; mme lerato le le itekanetseng le latihela poifo ko ntle ka gore poifo e na le petso. Mme yo o boifang ga a dirwa boitekanelo mo leratong.”*
- Re diragatsa melao ya Modimo ka gore re a mo rata e bile re a mo tlotla.
- Lerato la rona mo Modimong ga le tlhaloswe ke poifo, mme le tlhaloswa ke boikokobetso le tlotlo mo go ene.



Molao wa ntlha:

Ke nna Morena Modimo wa gago. O seka wa nna le Medimo epe e sele fa e se nna.

- Molao o o ne o reng mo kgolaganong e kgologolo mabapi le medimo e mengwe?
 - Mahatshe a a neng a dikaganyeditse Iseraela a ne a rapela medimo e sele (deities)
 - Mo molaong wa ntlha Modimo o tshalosa ka botlalo gore ke ene Modimo a le esi, mmopi wa dilo tsotlhe mm eke ene fela a tshwanetseng go rapelwa.
- Mo kgolaganong e ncha Jeso o fa molao wa ntlha bokao jo bogolo.
 - O re ruta gore molao o ga o reye Modimo Rara a le nosi, mme le Modimo morwa le Mowa o Boitshepho.
 - Modimo o iponaditse mo go rona ka Jeso Keresete, ka mafoko a mangwe o nnile Jeso gore a kgone go iponatsa mo go rona
 - Go rapela ope gape kana modimo ope gape go kgatlhanong le molao wa ntlha = Ke sebe.

Molao wa bobedi:

O seka wa umakela leina la ga Jehofa Modimo wa gago lefela, Gonne ga a kitla a tlhoka go pega molato yo o umakelang leina la gagwe lefela.

- Mo kgolaganong e kgologolo, Modimo o ne wa iponatsa mo go Moshe ka setlhare se se shang e le “Yaweh” mo go rayang “Ke ntse yo ke ntseng”.
 - Bajuta ba ne ba tlotla modimo mo e leng gore ba ne ba tshaba le go bua lefoko Yaweh.
 - Ba ne ba dira jalo go re ba seka ba bua leina la Modimo mo lefeleng, le fa e ka bo e nnile ka phoso.
- Mo kgolaganong e ntsha batho ba bua le Modimo ka lerato le tlotlo
- Molao wa bobedi o re ruta gore re beye leina la Modimo le itshephile.
- Re le bakeresete ke maikarabelo a rona go itshephisa leina la Modimo.
- Re buela leina la Modimo mo lefeleng jang?
 - Go dirisa leina la Modimo botlhaswa
 - Go ikana ka leina la Modimo
 - Go dirisa leina la Modimo fa re bua maaka
 - Go dirisa maina a Modimo bohahalele, Jeso Keresete, Moya o o Boitshepho
- O ke one molao fela o o nang le kotlhao
- Baebela ga e re bolelele gore kotlhao ke eng.

Re diragatsa melao e ka gore re rata Modimo, e seng ka gore re tshaba kotlhao.



Thuto e e re ruta eng tsatsi jeno?

1. Re diragatsa molao o ka gore re rata Modimo.
2. Re mmoifa ka gore re a mo rata, e seng ka go tshaba katlholo. Poifo ga e amane le go tshaba Modimo.
3. Boikokobetso le poifo ya tlotlo, go mo obamela le go mo galaletsa ke sesupo sa lerato.
4. Ga re bui leina la Modimo fela fa e le gore ga re bui le ene kana ka ga ene.

Dipotso tse re ka di botsang:

1. O itse maina a fe a Modimo?

Karabo: *Rara, Morena, Mmopi, Yo o senang bokhutlo, Mothati yotlhe,*

2. Re dira jang fa re boifa Morena?

Karabo: *re tla seke re leofe, – Re nne boikanyego mo Modimong. – Re tla dira gorata ga gagwe. – Re tla latlela Morwa Modimo le ba a ba romileng. – Re tla tlisa tlotlo mo leineng la Modimo, mme re sa le dirise botlhaswa*

3. A o ka bua molao wa ntlha ka pelo?

Karabo: **Ke nna Morena Modimo wa gago. O seka wa nna le Medimo epe e sele fa e se nna**

4. Go bidiwang fa re rapela medimo e sele?

Karabo: *E nna medimo fa – e simolola go nna tsone tse di botlhokwa mo botshelong tsa rona – re baya Tshepho mo go tsone. – fa re di rorisa e bile re di ntshetsa setlhabelo. Mo e kgona go nna batho b aba tshelang, dili tse di sa tsheleng, dilo tsa tlholego, le dilo tsa maitirelo. E.g., dihkantswe, madi, diphologolo, mantswa, dithaba, dinaledi, ditlhare, Batho b aba itsegeng, seporofito, masalamose, dithuto tsa ga satane, bongaka jwa setso.*

5. A o ka bua molao wa bobedi ka pelo?

3. karabpo: O seka wa umakela leina la ga Jehofa Modimo wa gago lefela, Gonne ga a kitla a tlhoka go pega molato yo o umakelang leina la gagwe lefela.

6. Go raya eng go umaka leina la Modimo lefela?

Karabo: *Go raya go dirisa leina la Modimo bohahalele. Re bua jalo mo malatsing otlhe (O Modimo wa me, Morena wa me), puo e lefela (O Modimo wa me!), fa re tshositswe ke sengwe kana re hakgametse kana re itumetse (OMG!), fa re tenegile kana re ikana (Modimo!, Jeso Keresete!)*...



Thapelo ya ga Rre le Mme le pele ga thuto:

Modimo o rategang, ke lebogela letsasti le

Segofatsa batsadi le bana botlhe

Mma re ikutlwele boleng teng jwa gago

Segofatsa thuto e re yang go e amogela

Re kopa o re rute go go direla


Re thuse go dira thato ya gago

Gore re golele gaufi le wena

Romela Jeso go tla go re tsaya

Mme re bo re ipaakanyeditse go mo kgatlhantsha

Amen

 Notes